

I HILA' NĀNA U SU'ON HIT MO'NA
(Tunādan Kāntan CHamorita)

BETSO 1

I hila' nāna sa' inina
Taiguihi i pilan ni sen ma'lak
Esgaihon-ta ni hinilat
I hinemhom i chatanmak

BETSO 2

I mannginge' yan i ika
I chenchule' yan limosna
Inafa'maolek yan inagofli'e
Gineflamen-ta siha ni ta onra

BETSO 3

I fandānggo yan fiesta
Kompliāños yan baotismo
Gi nobena yan lisāyu
I respetu siempre listo

BETSO 4

Gi hila' nāna na ta eyak
I dichukichu na karera
Para u guaha minagāhet
Gi katkuera na manera

BETSO 5

Gi dinanche na pinekkat
I hila' nāna na ta eyak
I noniyon na tinemtom
Gi famagu'on-ña na sinedda'

BETSO 6

Ta gogue yan ta adahi
I hila' nāna sasague-ta
I hila' nāna gi kinahulo'
I pengngā'-ta yan hale'-ta

BETSO 7

I hila' nāna tituhon-ña
Nina'huyong-ña i fino'-ta
Håftaimanu ta fanbasnak
I hila' nāna u su'on hit mo'na

BETSO 8

I hila' nāna tituhon-ña
Håftaimanu ta fanbasnak
Nina'huyong-ña i fino'-ta
I hila' nāna u su'on hit mo'na (3X)